



## Սիամանթ

### Նաւասարդեան աղօթք առ Դիցուհին Ահանհիտ

Ո՞վ Դիցուհի, ես մեղկութեան կրօններէն ահա իմ խիղճս լուացի

Ու պերձօրէն դեպի զՔեզ կը քալեմ: Հողաթափներս դեռ սուրբ են:

Բա՛ց մարմար դուռը մեհեանիդ, անոր դիմաց ես ճակատդ թող արիւնեմ...

Բա՛ց բագինըդ եւ տո՛ր ինծի շեկ զօրութիւնը Արտաշիսեան նախնիքներուս...:

Լսէ՛ ինծի, Ուկեղէն մա՛յր, քո՛յր արգաւանդ, քո՛յր բարութեան,

Առատութեանց պարզեիչ եւ Տիրուհիդ հին հայոց,

Նաւասարդի առաւոտով Քու նախկին ցեղդ ահաւասիկ կը ցնծա՛յ...

Թոյլ տուր որ ես, ծնրադիր՝ ձեւիդ աղօթեմ...:

Լսէ՛ ինծի, Ճրաշքի՛ Վարդ, ոսկի ոտքով աստուածուհի,

Գիշերային սպիտակ Հարս եւ Տարփուհիդ Արեգական

Եւ լուսամարմին մերկութիւն Արամազդեան Առագաստի,

Արեւն իր մէկ ճառագայթով թո՛ն քու բագինդ դարձեալ վառէ...:

Կը հաւատամ ես ի Քեզ: Բազրեւանդեան թլուրներուն վրայ կանգուն,

Ես՝ բազմադարեան դիցապաշտ եւ նիզակագէն քու որդիդ,

Իբր առաքեալ եւ խնդրարկու Քեզի կու գամ վեհօրէն,

Լսէ՛ ինծի, Ճայկեան բամբիոս Գողթան հողէն է ծներ...

Ուխտի կու գամ: Քղամիդ մը հասակէս վար եւ բարսամունքի դալար ոստեր ի ձեռիս,

Ահաւասիկ արծաթ ցնցուղ մը վարդահիթով՝ ստինքներդ օծելու...

Ահաւասիկ խնկաման մը սափորաձեւ, ուր կործանումդ իմ արցունքո՛վս ես լացի...

Եւ ստուերիս հետեւող եղնիկներով նուիրական՝ Քեզ կը քալեմ...:  
Բագրեանդեան բլուրներէն հեթանոս կեանքը հոսի,  
Արեւորդիք զեղահասակ, բեհեզներով պարեզօտուած,  
Աղեղներու, նիզակներու եւ նետերու վարժէն յետոյ, զոհարանիդ սեմին վրայ  
Յաղթ ցուլերու պարանոցին իրենց սուրերը թո՞ղ սեւեռեն...  
  
Թո՞ղ պտղաւորեալ հայ հարսներուն ուսերէն յստակ տարմը տատրակներուն  
Դէախի անդրիդ թոիչ առնեն: Վարդավառի ջրախաղերը թող բացուի՞ն...  
Եւ վեշտասնամեայ աղջիկներ բագինիդ շուրջ պարի ելած,  
Իրենց մարմինը մոզական, ո՞վ զզաստութեանց Տիրամայր, թող քե՞զ բաշխեն...  
Քսան դարու Քու վրէժդ թո՞ղ որ այսօր ես լուծեմ,  
Ո՞վ աստուածուիհիդ Անահիտ: Ահաւասիկ քու բագինիդ կրակներուն մէջ նետեցի  
Իմ խորտակուած խաչափայտիս երկու թեւերը թունաւոր,  
Եւ ցնծա՛ դուն, ո՞վ Օսկեմայր, Լուսաւորչի կողերէն, ժանտ ոսկոր մը քեզ կը  
ծխեմ...:  
Կը պաղատիմ ես Քեզի, ո՞վ զօրութեանց Դուն աներկրորդ Գեղեցկութիւն...  
Դուն Քու մարմինդ արեգակին լնծայելով՝ բեղմնաւորուէ անոր Տարըէն  
Եւ անյաղթելի ահեղ Աստուած մը պարզեւէ դուն Հայութեան...  
Քու աղամանդեայ արզանդէդ, ո՞վ Դիցուիհի, ահեղ Աստուած մը ծնանէ՛ մեզ...: